



**Historia Pelagiana Et Dissertatio De Synodo V.  
Œcumenica In Qua Origenis ac Theodori Mopsuesteni  
Pelagiani erroris Auctorum justa damnatio exponitur, &  
Aquilejense Schisma describitur**

**Noris, Enrico**

**Patavii, 1708**

§. 11. Sanctus Bernardus perperam contrà Augustinum ab Annato  
adductus.

---

[urn:nbn:de:hbz:466:1-72486](#)

pueros sine baptismo morientes, si nullâ culpâ originis infecti sint, injuste reprobatione negativâ excludâ regno Dei. Sexcentis in locis id contrâ hæreticos urget. Lib. 1. de Pecc. merit. cap. 30. Nunquam explicant isti, quia per justitiam nullum peccatum habens imago Dei separatur à regno Dei. Et lib. 5. contrâ Jul. cap. 11. Verum vos quoque, qui eos relut liberos ab omni damnatione esse contenditis, cogitare non vultis, quâ illos damnatione puniatis, alicando à ritâ Dei, & à regno Dei tot imagines Dei &c. Hoc autem injuste patiuntur, si nullum habent omnino peccatum; aut si justè, ergo habent originale peccatum. Et lib. 2. Oper. Imp. cap. 325. Nunquam dicturus es, ut sit justum, ut parvuli nullâ suâ, nullâ plerumque etiam suorum culpâ sine baptismate mortui à parentibus, & proximi fidelibus separarentur, & ad regnum Dei non admittantur. Lib. 5. contrâ Jul. cap. 9. scribit: Quapropter natos ex Adam transferri renatos oportet ad Christum, ne à regno Dei pereant imagines Dei, quod sine malo fieri, qui dicit, nec amorem habet, nec timorem Dei. Et Epist. 106. Hoc à justitia Dei penitus alicunum scribit. Lib. 6. cap. 4. Si nihil meruisse malum, nunquam privarentur in communâ causâ privatione tanti boni. Lege Serm. 14. de Verb. Apost. ubi clamat: Quarè enim patrimonium regnū cœlorum ab ripis innoceni? A quo regnum cœlorum non acquiritur, profectò magno bono fraudatur. Que est ista justitia? &c. Idem docuit Sanctus Gelasius Papa in Epistolâ ad Episcopos per Picenum contrâ Pelagianos: Cur igitur, inquit, infans hac sorte concluditur, nempe non admitti in regnum cœlorum, si nullum habet omnino peccatum, magisque videtur, quod absit, injustus Deus, si illuc infligatur pena, ubi nulla sit culpa? Concinit Synodus Byzacenorum Patrum in lib. de Incarn. & Grat. cap. 14. ubi ajunt: Et cùm non sit iniqüitas apud Deum, qui fecit hominem ad imaginem suam, quæ justitia est, ut imago Dei, quæ nihil potuit perse ipsam delinquere, si non redimatur sanguine filii Dei, in regnum Dei non permittatur intrare? Quæ duo testimonia consulto addidi, quia nonnulli memoratam Sancti Doctoris sententiam falsam existimant. Itaque sicum fuit, certumque omaind apud Augustinum, ac Sanctos Patres eiusdem discipulos, neminem posse sine culpâ reprobari purè negativè à regno cœlorum tanquam beneficio indebito, ut certissimum fuit eidem, neminem in statu naturæ lapsæ prædestinari ex prævisione alicujus boni operis. Quarè disparitatem inter prædestinationem, & reprobationem eam necessariâ id esse dixit, ut Deus citrâ in justitiam non posset excludere à regno cœlorum parvulos sine culpâ, licet id non faceret in pœnam. Non est igitur Augustinus docendus illam disparitatem, vel malitiam consequentiâ à Bannesio, cùm & ipso melius eandem norit, & longè rigidius defenderit. Recentiores Alarcon, Herice, aliique reprobationi illi negativa ante prævisa demerita Calvinismi fuliginem objec tant, unde magnæ contrâ ipsos querela Thomistarum inaudiuntur, Joannis à Sancto Thoma 1. p. disp. 10. de Reprob. num. 19. Goneti disp. 5. tom. 4. art. 2. §. 3. Et certè Calvinus reprobationem positivam ante prævisionem peccatorum astruxit, inquit ab eadem dixit peccata causari, atque ad hæc perpetranda homines impelli, quæ à Thomistis unâ cum reliquis Catholicis negantur. At nos absit, ut Pelagianismum sapientissimis viris, & in Augustino defendendo ex juramento Salmanticensi commilitonibus, ac nostris fœderatis imponamus, illa enim tantum diximus, queis Bannesii censuram plenius confitaremus. Non est tamen cur adversarii hujus Theologi testi-

monium contrâ Augustinum producant, qui in eodem loco, nempe articulo illo quinto in confutatione sententiae Javelli ait: *Augustinus gratia Dei testis insignis, & predictor.* Et §. His ergo opinionibus, addit: *Statuenda est vera sententia juxta menem Augustini, & Diri Thomæ.* Quarè siquid deceptus dixit de Augustino, uti excusatione illum quidem dignum ducimus, ita non tantæ auctoritatis habendum est, ut ejus testimonium contrâ Sanctum Doctorem palmaribus characteribus expressum ab adversariis exaggerandum videatur.

## §. XI.

*Sanctus Bernardus propterā contrâ Augustinum ab Amato adductus.*

R Ecentiores, ut ingens testimoniū agmen, quo Sanctum Augustinum non loco tantum movere, sed etiam penitus obruere tentarunt, nobilissimi Patres testimonio claudant, Sanctum Bernardum contrâ Augustinum suffragium dare affirmant, clamantes cum Annato pag. 884. *Veniat ergo post ultimum Sanctus Bernardus, qui nominari debuit antè primum.* Ille vero nunquam contrâ Augustinum descendet, nec si machinas omnes admoveatis. At inquietunt: *Igitur Sanctus Bernardus tam religiosus Sancti Augustini cultor, tam studiosus Lector, tam idonus arbiter Ecclesiastica, ac necessarie doctrinæ peculiarem tamen ejus sententiam, quæ negat Sanctum Joannem Baptistam accepisse plenam in utero materno sanctificationis gratiam, rejet in Epistolâ ad Canonicos Lugdunenses, & principio, quo nitebatur Augustinus, quod scilicet nemo renatus dici possit, priusquam natus, contrarium opponit, aitque posse aliquem prius Sanctum esse, quam natum.* Cùm vero sciant, Augustinum quandoque à Bernardo appellatum validissimum malleum hæreticorum, atque Catholicæ religionis columnam, quasi per risum ita concludunt: *Constat ergo exemplo Sancti Bernardi tales esse, quas dixerat duas illas columnas, ut non sit necessariò timendum, si quis ita dissellatur ab Augustino, ut tamen innitatur Ambroso, etiam in iis, quæ contrâ Pelagianos Augustinus disputavit, neque nullum videri posse aliquando validissimi hæreticorum mallei incertum ictum.* Hæc illi.

Fatetur, particularem suissam Sancti Doctoris sententiam adversus Pelagianos de peccato originali dis putantis, Jeremiam, ac Joannem Baptistam non fuisse plenè à peccato originali in uteris matrum per gratiam sanctificantem liberatos. Hoc docuit Epist. 57. ad Dardanum, & lib. 4. contrâ Jul. Oper. Imperf. cap. 133. ubi ait: *Quia & Jeremias, & Joannes quamvis sanctificati in uteris matrum, traxerunt tamen originale peccatum.* Nam quo alio merito interirent, corum animæ de populo suo, nisi die octavo circucliderentur, nisi ad Christi gratiam pervenirent &c. Erant ergo illi, & naturâ filii træ ab uteris matrum, & gratia filii misericordia ab uteris matrum, quia nec adhuc eis inerat sanctitas, quæ p' vinculum solvet successionis obnoxia, quod suo tempore solvi oportebat, & inerat tamen, quæ preconem Christi à maternis visceribus designabat. Duo hic consideranda sunt: Joannem Baptistam repletum per Spiritus sancti gratiam prophetice dono, postea nexâ originali liberatum fuisse in utero. Primum concedit Sanctus Augustinus: alterum negat, ut ejus verba clarè ostendunt. Sanctus Bernardus primum & ipse sine hesitatione concedit, de altero vero dicit, le non audere quipiam definire. Audiantur dulcia melliflui Doctor sverba, ne Annati in Augusti-

Augustinum amarus sermo nobis fastidium ingerat: Certissime autem, inquit, *sancus Spiritus*, quem repletus, sanctificavit. Ceterum quatenus aduersus originale peccatum hanc ipsa sanctificatio valuerit, sive pro isto, sive pro illo Prophetā, vel si quis alius simili preventus gratia fuerit, NON TEMERE DIXERIM. Deinde sententiam Sancti Augustini considerans addit: Attamen quis dicat Spiritu sancto repletum manere adhuc filium nibilominus ira, & si mori in utero contigisset, cum hac plenitudine spiritus penas luiturum damnationis? Durum est; MINIME tamen ausim hinc quippiam mea sententia definire. Sed quicquid de hoc sit &c. Vides, Annate, nihil cā in re Bernardum definire unius, ut jure quidem arbitror, Augustini, quem habebat, ut dicas, dum hac scriberet, presentem, auctoritate remoratum? Dura illi Augustini sententia vifa est: at durius fassus est ab Augustino discedere: Minime tamen, inquit, ausim hinc quippiam mea sententia definire. Hoccine est Annate, ut jocaris, divelli ab Augustino? hoc putare nullum aliquando validissimi hereticorum mallei incertum illum? Imò hoc est, Lectoribus fucum facere, ac Bernardo nimium injuriosum esse, dum illum ea recitantem inducis de Augustino, quae ne cogitavit quidem. Illa itaque est Melliflui sententia Epist. 174. ad Canonicos Lugdunenses.

Sed aliud quid Annatus garrit, contendit Bernardum diversa, imò adversa sapere vel eo ipso in loco ab Augustino recedendo, ubi se cum Augustino aut errare, aut sapere profitetur, nempe Epist. 77. ad Hugonem. Do Annati verba: Ut omittan, quod relat illa sententia, quasensit Augustinus, internam cordis conversionem ad Deum externam baptismi susceptionem posse supplerre, vir minimè jactabundus, negare audet fuisse uspiam ab eo retractatam, quamvis retractasset exemplum, quod subjecerat, Sancti Latronis eā ratione, quod incertum eset, an fuisse baptizatus. Nescio quo consilio Annatus hic paralepsi utatur. Eja age, editere, cur ex Bernardo Augustinum acculare tibi in religionem venit? Ita est, Bernardus vir minimè jactabundus Augustini sententiam, qua asserit internam cordis conversionem ad Deum baptismum posse supplerre, negare audet fuisse uspiam ab eo retractatam. Forte hanc sententiam retractandam Augustino fuisse putas? Illam sententiam antē Sanctum Augustinum docuerat Sanctus Cyprianus, quem laudat Sanctus Doctor lib. 4. de Bapt. cap. 22. ubi de baptismo ait, si ex necessitate desit, posse supplerre fidem, conversionemque cordis, quia, tunc impletur invisibiliter, cum mysterium baptismi non contemptus religionis, sed articulus necessitatis excludit. Sed & Sanctus Ambrosius hoc ipsum docuerat de Valentiniano Imperatore, ut patet ex ejusdem oratione, in qua defuncti Valentiniani laudes recitat. Utrumque vero Ambrosium nempe, & Augustinum sequitur Sanctus Bernardus illa in Epist. 77. quorum testimonia laudat, scribens: Ab his ergo duabus columnis, (Augustinum loquor, & Ambrosium) crede mihi, difficile appellor. Cum his, inquam, me aut errare, aut sapere fateor; credens & ipse, solā fide hominem posse salvare cum desiderio percipiendi Sacramentum, si tamen pio adimplendo desiderio nōs anticipans, seu alia quæcumque vis invincibilis obviaverit. Audis, Bernardum virum minimè jactabundum cum Augustino sapere, & credere, solā fide hominem posse salvare cum desiderio percipiendi Sacramentum? Cur vero eam sententiam Augustini diceret, fuisse uspiam ab eo retractatam, in quam pedibus ivit? Sed & Apostolica Sedes eandem sententiam ob Augustini auctoritatem approbat. Inno-

centius III. in literis ad Cremonensem Episcopum, quae apud Gregorium IX. extant lib. 3. tit. 43. cap. 2. ita scribit: Quem sine unda baptismatis extremum diem clausisse significasti, qui in Sancte Matris Ecclesie fide, & Christi nomine perseverarit, ab originali peccato solutum, & celestis patrie gaudia esse adeptum asserimus incunctanter. Lege super octavo libro Augustini de Civitate Dei, ubi inter cetera legitur: Baptismus invisibiliter ministratur, quem non contemptus religionis, sed terminus necessitatis excludit. Error tamen irrepsit, nam verba illa leguntur non in lib. 8. de Civit. sed libro 4. de Baptismo, ut recitavimus, quae etiam laudatus Bernardus ex codem lib. 4. adduxit. Hinc Theologi baptismum flaminis, & Tridentina Syndodus Sess. 6. cap. 4. baptismum in voto justificare decernunt. Quid igitur tibi in mentem venit, Annate, dum sententiam illam Sancti Doctoris ab Ecclesiā approbatam quasi retractatione dignam recensuisti, quam etiam constanter idem renuit post exortos Pelagianos ad finem usque vitæ Legatur lib. 1. de Orig. animæ cap. 9. & 2. Retract. cap. 18. Qui plura eā de re scire cupit, consulat Christianum Lupum auctore latere satis notam in lib. de Attrit. & contrit. cap. 8.

An forte irrides, quod de baptismo Sancti Latronis Augustinus insinuavit? Sanctus Doctor rem sibi certam, nempe conversionem cordis supplerre vicem baptismi, non posse satis efficaciter illo exemplo demonstrari fassus est in lib. 2. Retract. cap. 18. affirmans à quibusdam non incredibiliter dici, latronem aqua illa, quae de vulnere lateris ius emicuit, tanquam sacratissimo baptismu fuisse perfusum: Lib. 1. laudato. Ceterum idem Pater non putavit, illum fuisse antē crucifixionem baptizatum. Aperit ait ibidem: Latro ille non antē crucem Domini sectator, sed in cruce confessor &c. Tunc etiam fides ejus de ligno floruit, quando liscipulorum maruit. Illa verò de baptismo latronis adducit, quibus confutaret errorem Vincentii Victoris, qui exemplo latronis contendebat, pueros sine baptismo mortuos perenire posse ad originalium indulgentiam peccatorum, ut patet ex lib. 3. de Orig. animæ ad Vincentium, ubi toto capite nō de baptismo latronis discurrevit. Quae tamen ita adduxit, ut omnem errandi occasionem ex illius latronis exemplo resecaret. Hinc lib. 1. cap. 9. cū variis modis recensuisset, quibus latro ille vel dicebatur, vel dici poterat baptizatus, conclusit: Verum hec, ut potest, quisque accipiat, dum tamen de baptismo non prescribatur Salvatoris præceptio hujus latronis exemplo. Et ipse Bernardus conicit, incertum eset, an latro fuerit baptizatus, dicens: eo quid s'me incertum sit, utrumnam fuerit baptizatus. Hinc Pater Lupus in Sanctorum Patrum lectione summā cum laude versatus in Opusculo laudato de Contrit. & attr. cap. 9. ait: Latronis baptismus esse incertus. Variat non solum Augustinus, sed Patres passim omnes. Hæc quidem addidi, quia ex illa Sancti Bernardi Epist. 77. ad Hugonem, quale Augustini dictum ab adversario per reticentiam reprehensioni expositum, jure notari possit, prorsus non video, sed nec eundem Annatum vidisse existimo.

## S. XII.

*Sanctum Augustinum contrà Augustinum producunt.*

R Em consecisse, ac totā causā Augustinum dejecisse sibi persuadent, faventibus suffragiis,